



Sakspapir

Sakshandsamar	Arkiv	ArkivsakID
Nadine Gutte-Preusse	FE-230, FA-G10	20/494

Saksnr	Utval	Type	Dato
020/20	Eldrerådet	PS	03.11.2020
	Formannskapet	PS	
	Kommunestyret	PS	

Justering av sats for omsorgstønad 2021 Kommunebudsjett 2021

Saksutgreiing:

Bakgrunn

Omsorgstønad er lovfesta i Helse- og omsorgsloven § 3-6 tredje ledd. Omsorgstønad for særleg tyngande omsorgsoppgåver vert tildelt etter bestemte kriterier og skal gjera det mogleg for private omsorgspersonar å oppretthalda omsorgsarbeidet for sine næraste. Omsorgstønad kan sjåast på som ei form for oppvurdering av det ubetalte omsorgsarbeidet. Private omsorgsyttare skal få noko betaling for det omsorgsarbeidet dei gjer. Betalinga dekkar som regel ikkje dei reelle utgiftane eller inntektstap for den som ytar omsorga. Søkjaren har rett på berekning av kva for eit timetal ytinga vert betalt for. Det skal vidare skje ein konkret utmåling ut frå ein timesats som vanlegvis ikkje skal vera under det lønt personell får. Viser i tillegg til dei utarbeidde retningslinjer for omsorgsløn i Fedje kommune (vedtak K-010/04).

Vurdering

Timesats for omsorgstønad låg på kr.162,67 for 2020. Det er vanleg at kommunane set fast timeløna til dei som får omsorgstønad likt med timeløna til stilling utan særskilt krav om utdanning.

Kommunen fastset sjølv kor mange timar dei skal gje omsorgstønad for. Den som får omsorgstønad, må betala skatt for det, og kommunen må betala arbeidsgjeveravgift. Justert med normal lønssstigning utgjør dette ei timeløn på kr.166,25 for 2021.

Regjeringa ser på omsorgstønad som skattepliktig yting og anbefalar at satsane vert justert i takt med utviklinga av grunnbeløpet til folketrygda. Dermed bør maksbeløpet setjast fast til grunnbeløpet til folketrygda på kr.101351 per år. Dette svarer til kr.8446 per månad og auka vil utgjere eit tillegg på ca.én time per veke.

Folkehelse: Omsorgstønad gir rom for personar med store omsorgsbehov å bu lengre heime såframt dei har ein omsorgsperson dei kan støtte seg på. Dette står i tråd med reforma «Leve heile livet».

Miljø

Økonomi: Kommunane har etter lova plikt til å ha ei ordning med omsorgstønad, og det må setjast av tilstrekkeleg midlar til dette formålet. Kommunen kan ikkje avslå ein søknad om omsorgstønad grunngjeve med at ein ikkje har denne ordninga eller at det ikkje er pengar til rådvelde. Ordninga har hittil ikkje vore nytta i noko omfang i kommunen, men det kan endra seg avhengig av kva tilgang det er på til døme sjukeheims plassar eller heimesjukepleie i høve til etterspurnad. Det er per i dag ikkje budsjettert for denne ordninga.



Fedje kommune

Konklusjon

Timesats er utrekna med basis i kva som er vanleg praksis og justert med forventa lønsauke.
Maksbeløp er tilpassa statlege føringar.

Forslag til vedtak:

Med verknad frå 01.01.2021 vert timesatsen for omsorgsstønad satt til kr.166,25 og maksbeløpet vert satt til kr.8446 per måned.

Eldrerådet - 020/20

ELD - behandling:

ELD - vedtak:

Med verknad frå 01.01.2021 vert timesatsen for omsorgsstønad satt til kr.166,25 og maksbeløpet vert satt til kr.8446 per måned.

Samrøystes vedteke.